

## EUKARISTIA

Ke ki Euaristia?

Utrus ta fala: sakramentu di kurpu ku sangu di Kristu.

Utrus ta fala: komunhon.

Na bardadi, na Eukaristia ka ten un kussa son, ma i ten dus.

Otca dia tciga di fassi si Paskua, antis di muri na crus, Jesus na kinta fera santu kumsa Eukaristia. Pabia di ke?

Pabia i misti pa tudu pekdur, te na fin di mundu, pudi mati si Paskua, Paskua di no salbason, nde ku Jesus seta muri pa salbanu: si kurpu i pergadu na krus, si sangu i darmadu; ki ta faladu:

- 1) i nterga si kabesa na mon di Deus Pape na si mortu, pa ribantanu na si paz
- 2) i lanta bibu mas, juntanu na un curpu son ku el na si Igreja

Otca i kumsa Eukaristia i fala si apostous: "Bo ba ta fassi es na nha lembransa".  
(*Memorial*)

Antá i anos ku ta "lembra" del suma ku no ta lembra di alguin ki muri?

Nao, il El ki lanta di mortu, i vivu, i ta panti na no metadi, i ta punu pa no mati si Paskua (i El ki ta "lebrantanu")

Des manera: i ten dus kussas ku no ta fassi ora ku no ta selebra Eukaristia (Santu Missa) :

- 1) Juntu ku Jesus no ta nterga no kabesa na mon di Deus Papé ki purdanu tudu no pekadus (Oferta, na Konsagrason, *epíklesis* riba di pon ku binhu)
- 2) No seta pa Jesus juntanu na un son ku el e ku tudu ermon na si kurpu ki tcomadu Igreja (*epíklesis* riba di assembleia ( "juntanu na un kurpu son" i ka "na un família son"!...))

Pa no ma selebra dritu santu Eukaristia:

1. **Liturjia di Palavra:** manera ku Fiju di Deus bin danu kontrada, no ta justanda no manera di vivi ku di sil: no ta junta kaminhu ku El. (Komunhon di kaminhu).
2. **Liturjia di Eukaristia:** manera ku no seta ripindi ku justanda no kaminhu ku di Jesus, Fiju di Deus, Deus pudi setanu na si mon, no na sta na komunhon di vida: no pudi entra na komunhon di kurpu, un son ku Jesus ku tudu no ermons tan. (Sintidu di Komunhon eukaristiku)  
(Ba kumunga sin ka buska junta kaminhu ku vida ku Jesus, i mintira garandi, no ta dana Sacramentu.  
No ta justanda no kaminhu ku di sil prinsipalmente na Sakramentu di purdon)

**Kabantada:** + kurpu ku Fiju di Deus toma na bariga di Maria, kila i subi na seu, i ta sta na Eukaristia ku no ta adora ora ku no ta fassi "ora di adorason";

+ kurpu "nobu" ku Jesus ta yanda kel gosi i anos propi, Igreja: anos ku ta junta kel na komunhon eukaristiku: i ku es kurpu ku Jesus ta yanda gosi na kaminhus di es mundu pa **tcoma tudu pekadur** mati si Paskua, yentra na si Renu.